

سؤال دربارهٔ اجازه و اختیار عیسی

۲۰

۱ آتا از روزها که عیسی در صحن معبد مردم ره تعلیم و خور خوش نجات ره ویشونه داهه، سران کاهنون و علمای دینی به هیمراه مشایخ ونه پلی بيمونه^۲ و باثوته: اما ره باثور به چه حقی این کارها ره کاندی؟ کی این حق ره ته ره هاداهه^۳ جواب هادا: من هیم شیمه جه پرسمبه مه ره باثورین^۴ آیا تعمید هاداهنه یحیی از طرف خدا بی یه یا از انسان؟^۵ اونا با هیم مشورت هاگردنه باثوته: «اگر بایریم از طرف خدا بی یه گانه، پس چه ایسته به و ایمان نیاردینی؟^۶ و اگه باثوریم از انسان بی یه تموم مردم اما ره سنگسار کانه اینسه که اعتقاد دارنه که یحیی پیامبر بی یه.»^۷ پس جواب هادانه: «ندومی از کاجه بییه.»^۸ عیسی باثوته: من هیم شیمه ره نایریمبه به چه حقی این کارها ره کامبه.»

مثل باغبونهایه شیریر

۹ بعد این مثال ره مردمسته بیارده: انا مردی آتا انگور باغ درست هاکارده و اون ره به چند تا باغبون اجاره هاداهه چند مدتی بورده مسافرت. ۱۰ در موقع فصل انگور انا غلام ره برسندیه باغبونها پلی تا انا کم از اون انگورها ره به و حادین. اما باغبونها و ره بزونه و دست خالی بر دگاردینه. ۱۱ پس انا دیگه غلام ره برسندیه، اما و ره هیم بزونه و وری حرمتی هاکارده، دست خالی بر دگاردینه. ۱۲ پس سومین بار انا دیگه غلام ره برسندیه، اما و ره هیم مجروح هاکارده، بیرون دمبدانه. ۱۳ پس صاحب شه پلی باغ باثوته: (چیکار هاکانیم؟ شه ریکا ره که خله دوست دارمبه رسندمبه شاید و ره احترام هاکانند.) ۱۴ اما باغبونها وقتی ریکا ره بدینه با هیم مشورت هاکارده باثوته: (و وارث این باغ هسه. بیین و ره بکاشیم تا ارث آمه بوهه.) ۱۵ پس و ره انگور باغ جه بیرون دمبدانه و بکاشتنه. بعد عیسی مردمه باثوته شما فکر کانی صاحب باغ با اونا چیکار کانه؟^{۱۶} اینه و باغبونها ره هلاک کانه و انگور باغ ره به دیگرودنه. «مردم وقتی اینا ره بشناستنه باثوته: خدا نکانه!»^{۱۷} اما ویشونه حارشا و باثوته: پس منظور کلام خدا چیشیه که گانه:

(همون سنگی که معمارون رد هاکارده

سنگ اصلی ساختمان هسه^a؟

۱۸ هر کی بر اون سنگ دکفه خرد وونه و هروقت اون سنگ بر کسی دکفه و ره دردم کاشینه.»

۱۹ علمای دینی و سران کاهنون وقتی بفهمستنه این مثال ره دربارهٔ اونا گانه تصمیم بییتنه همون جا و ره گرفتار هاکانند اما مردم جه ترسینه.

سوال دربارهٔ پرداخت مالیات

۲۰ معلون دینی و فریسیون عیسی ره زیر نظر بهیئتینه و جاسوسانی ونه پلی برسینه که شه ره صادق نشون دانه. اونا دنبال این دینه که از حرفهای عیسی بهانه ای برای تسلیم و به والی پدا هاکانند.

۲۱ پس جاسوسها ونجه پرسینه: ای ایستا دومی که ته حقیقت ره گانی و تعلیم دینی و کسی جه طرفداری نکاندی بلکه راه خدایه بدرستی یاد دینی. ۲۲ آیا هاداهنه مالیات به قیصر درست هسه یا نا؟» ۲۳ اما ویشونه حیلّه ره بفهمسته و بائوته: ۲۴ آتا سیکه مه ره نشون هادین. نقش و نام این سیکه کینه هسه؟» ۲۵ جواب هادانه: ازاونه قیصر. «ویشونه بائوته: «مال قیصر ره به قیصر هادین و مال خدایه ره به خدایه!» ۲۶ همینهسته نتونسته مردم پلی و ره با ونه حرفا دام دله دمبدن و در تعجب از جواب و ساکت بموندسته.

سؤال دربارهٔ قیامت

۲۷ بعد چند تا از صدوقیون که منکر قیامت هستنه، عیسی پلی بیمونه و سوالی ونجه هاکارندنه، بائوته: ۲۸ ایستا، موسی در تورات آمسته بنوشته که اگر انا مردی زنی بیره اما بدون اینکه وچه دار بووه بمیره ونه برار باید اون زن ره به زنی بیره تا نسلی شه برارسته باقی ببیله. ۲۹ هفت تا برار بینه که اولی زنی ببیته و بدون اونکه وچه ای داره بمیره. ۳۰ بعد دومین ۳۱ و بعد سومین و ره به زنی بهیئتینه و همینی هر هفت تا برار بمردنه بدون اونکه شه جه وچه ای بیلین. ۳۲ آخر سر اون زناهم بمیره. ۳۳ ایستا در قیامت، و کدوم تای زن هسه؟ اینسه که هر هفت تا برار و ره به زنی بهیئتینه.»

۳۴ عیسی جواب هادا و بائوته: مردم این دنیا زن گرنه و شی کانه. ۳۵ اما اونا که خدایه ویشونه شایسته برسین به دنیای آینده و قیامت دونده، نا زن گرنه و نا شی کانه ۳۶ و نا دیگه میرنه اینسه که مثل فرشتها هستنه. اونا وچه هایه خدایه هستنه اینسته که بعنوان فرزند ارثی ورنه و اون ارث اینکه در روز قیامت قیام کانه. ۳۷ حقیقت راست ببینه مرده‌ها ره موسی در تورات در شرح ماجرای بوتّه سوزان نمایون کانه، اونجه که خدایوند ره، خدای ابراهیم و خدای اسحاق و خدای یعقوب خوندنه. ۳۸b اما و نا خدای مردها بلکه خدای زنده ها هسه؛ اینسه که ونسته همه پارسایون زنده هستنه. ۳۹ بعضی از علمای دینی در جواب بائوته: ای ایستا خار بائوتی! ۴۰ و دیگه هیچکس جرأت نکارده سوالی ونجه هاکانه.

مسیح کینه ریکا هسه؟

۴۱ بعد عیسی به ویشون بائوته: چیتی هسه که گانه مسیح^c داوود ریکا هسه؟ ۴۲ داوود شه در کتاب مزامیر گانه:

(خدا، مه خداوند ره بائوته

به دست راست مین هینیش

۴۳ تا انا زمان که ته دشمنون ره ته لینگ زیرسته، کرسی هاکانیم.)^d

۴۴ اگه داوود مسیح ره (خداوند) خوننده، چیتی و تونده داوود ریکا بوئه؟»

۴۵ در همون موقع که مردم همه گوش دانه، عیسی به شه شاگردون بائوته: ۴۶ از علمای دینی دوری هاکانین که دوست دارننه که قبای بلند دپوشین و کوچه ها و بازاردله مردم ویشونه سیلام بایرن، و در کنیسه بهترین جای ره داشته بوشین و در مهمونیها در بالای مجلس هینیشنند. ۴۷ از یک طرف بیوه زنان سیره ره غارت کانه و از طرف دیگه شه دعا ره ریاکارانه طول دنه. ویشونه سخت ترین مجازات ره وینه.»

^c منظور پادشاه و نجات دهنده موعود اسرائیل هسه.

^d مزموور ۱:۱۱۰.